

НЭ'МА ПАУЛОС ФИЛИПИЙАР'А

Пешготьна институте

Паулосе шанди^ф эва нэ'ма жь кэле щьвина^ф бажаре Филипийар'а нъвисийэ. Эв щьвин, щьвина пешьн бу, йа кё аха Эвропайеда, қэза Мэкэдонья бьн Императорийа Р'омайеда^ф һиме we һатэ авитьне. Эв нэ'мэ һынге һатэ нъвисаре, гава даннасинкьред мьрабьли Паулос щьвинеда тыштед шашэ мьрабьли һинкьрьна Мьзгинийе һин дькьрьн у Паулос гэлэки бэр хвэ дьк'эт. Ле алийе дьнва жи эм ве нэ'меда гёман у эшқэкэ мэзын алийе Паулосда дьбиньн, жь we бавэрийа вийэ сэр Иса Мэсиһ.

Сэбэбэкэ дьн жи бона нъвисара ве нэ'ме һэбу кё Паулос бона бавэрмэндед Филипийаеда р'азибуне дьдэ Хвэде, вэки нава тэнгасийед^ф вида вана к'омэк дабунэ ви (4:10-20). Ёса жи хёйа дьбэ кё Паулос хвэстийэ ве мэщале бьдэ хэбате, вэки бавэрмэнд хирэт у эгит бьн, тэнгасийа ви у хвэ нэньһер'ьн. Эв һиви дькэ, кё нава ванда т'ьфақ^ф һэбэ у мина Мэсиһ шкэсти бьн, нэ к'обар у бабах бьн. Эв бир тинэ кё йэктийа Мэсиһда бь к'эрэма^ф Хвэде жийине пе бавэрийе^ф дьстиньн, нэ кё пе қэдандьна Қануна^ф Муса^ф. Паулос дэрһэқа we эшқ у шабунеда дьбежэ, к'ижане кё Хвэде дьдэ ван, йед кё йэктийа Иса Мэсиһда дьжин (сэре 2-а). Сэре 3-да, филипийа т'эглифи we дэрэще дькэ, кё эв быщэ'диньн быгьһижьнэ мэрэме жийина Мэсиһ, ава готи п'ега Мэсиһда һэр'ьн.

Эва нэ'ма эшқ, гёман, йэкти у сэбьра бона пешдачуйина жийина бавэрмэнда дьдэ к'ьфше. Ёса жи

ФИЛИПИ 1:1–7

дъдэ к'ѳше, кӧ Паулосе шанди гэлэки ве щъвине һ'ъз дькэ у қэдъре ван дьгърэ.

Сэрэщэма фькьра нэ'ме

Пешготън (1:1-11)

Һ'але кӧ Паулос теда йэ (1:12-26)

Жийина Мэсиһда (1:27-2:18)

Шевъра бона Тимот'ейо у Епафродито (2:19-30)

Һ'эвза хвэ дьжмына у қэзийа бькьн (3:1-4:9)

Паулос у достед вийэ Филипйайеда (4:10-20)

Пашготън (4:21-23)

Сьлавкьрын

1 ¹ Жь Паулос у Тимот'ейоие хӧламед Мэсиһ Иса, Т'эмамияа щьм'та Хвәдер'а, йед кӧ п'ара Мэсиһ Иса нэ у ль алийед Филипйаие дьминьн, т'эвайийа бәрпърсийар у бәрдәстийед щъвиневаф:

² Дә бьра к'эрәм^ф у әдълайийа Хвәдейе Баве^ф мә у Хӧдан^ф Иса Мэсиһ ль вә бә.

Дӧайе Паулос

³ Эз шькьрийа хвэ Хвәдейе хвэ тиньм гава һәр гав вә бир тиньм, ⁴ т'ьме нава һ'әму дӧайед хвәда, бона вә һ'әмуяа бь дьле ша дӧа дькьм, ⁵ чьмки һун р'ожа пешьнда һ'эта иро т'эви шьхӧле Мьзгинидаине бунә. ⁶ У эз ве йәкеда гӧман ьм, әве кӧ дьле вәда дәст бь шьхӧле хвәйи қәнц кьрийә, we һ'эта Р'ожа һатъна Мэсиһ Иса жи бьгьһинә сери. ⁷ һун дьле мьнда нэ у һәқ ә жи кӧ эз бона вә һ'әмуяа аһа бьфькьрьм. Чьмки һун һ'әму жи т'эви we к'эрәме^ф бунә, йа кӧ жь Хвәдеда мьнр'а һатийә дайине,

чава эз ньһа қәйдада мә, өса жи бона Мьзгинийе сәкьни бум у мьн әв дьда маккьрьне. ⁸ Хвәде шә'де мьн ә, кө эз бь һ'өба Мәсиһ Иса чьқаси һ'әйра вә һ'әмуйдада мә.

⁹ У эз ве дөайе дькьм, кө һ'ьзкьрьна вә һе-һе бь занәбун у сәрвахтийа^ф гьһиштыва зедә бә, ¹⁰ вәки к'ижан һәрә қәнщ ә, һун ве бьбьжерьн. һнге һуне Р'ожа һатьна Мәсиһда ширһ'әлал у беләк'ә бьн ¹¹ у бь сайа Иса Мәсиһ бь бәрәд һәрийева т'ьжибуйи бьн, бона р'умәт у пәсьне Хвәде.

Жийин Мәсиһ ә

¹² Эз дьхвазьм кө һун бьзаньбьн хушк-бьрано, вәки чь кө һатә сәре мьн, әве һе к'ар да пешдачуйина Мьзгинийе.

¹³ Ава т'әвайийа к'ома к'оч'ьксәрева, өса жи һ'әмуьед майинва ә'йан ә кө эз бона наве Мәсиһ нава ван қәйдада мә. ¹⁴ У дьле п'ьр'анийа бавәрмәнда жи бь ван қәйдед мьн йәктийа Хөданда шьдийан, кө һе бь мерк'ими хәбәра Хвәде бе хоф у тьрс бежьн.

¹⁵ Р'аст ә һьнәк жь һ'әвсудийе у мьхәнәтийе Мәсиһ даннасин дькьн, ле һьнәк жи жь нета қәнщийе. ¹⁶ Әвана жь һ'ьзкьрьне даннасин дькьн, чьмки әв заньн кө эз сәр ви қөльхи^ф һатьмә данине, кө пыштгьрийе Мьзгинийе бькьм. ¹⁷ Ле йед майин бона һәвр'ьк'ийе Мәсиһ даннасин дькьн, нә бь дьле р'аст. Әв дьфькьрьн, кө тәнгасийе^ф сәр қәйдед мьнда зедә кьн.

¹⁸ Ле фьрқи т'өнә! Чава жи бьбә, һәгәр әвана бь қәлпийе йан бь р'астийе Мәсиһ даннасин дькьн, эз бь ве йәке ша мә. Бәле әзе ша бьм жи, ¹⁹ чьмки эз заньм кө әв йәк ве ахьрийе ль бәр азабуна мьн к'әвә, бь дөайед вә у алик'арийа Р'өһ'е Иса Мәсиһ. ²⁰ Эз гөман у ч'әвньһер'ийа ве йәке мә, кө т'ө тьштыва әзе шәрми нәминьм, ле бәле

he мерк'ими бьм, чава һәр гав өса жи ньһа пәсьне Мәсiһ бь қальбе мьн бе дайине, һәгәр бь мьрьна мьн бә, йан жи бь жийина мьн бә. ²¹ Чьмки бона мьн жийин Мәсiһ ә у мьрьн жи к'ар ә. ²² һәгәр жийина ви қальбида he к'аре дьдә шьхөле мьн, әз ньзаньм к'ижани бьбьжерьм. ²³ К'әтымә нава дө кәвьра: Әз һ'ьзрәт ьм кө жь ви қальби дәрем, һәр'ьмә щәм Мәсiһ, мьнр'а әва he гәләки қәнщ ә, ²⁴ ле майина мьнә ви қальбида he бона к'ара wә йә. ²⁵ Әз ве йәке кө бе шьк бавәр дькьм, ләма жи заньм кө әзе бьминьм, т'әви wә һ'әмуйа бьм, wәки һун he пешда һәр'ьн у бавәрийеда^ф ша бьн. ²⁶ Аwa гава әз диса бем щәм wә, һун пе мьн бь сайа Мәсiһ Иса he фьр'нақ бьн.

²⁷ Ле т'әне чава лайиқи Мьзгинийа Мәсiһ ә, һун хwә өса хwәй кьн, кө һәгәр сәр wәда бем у wә бьбиньм йан дурва бьбьһем бьзаньбьм кө wә бь р'öh' у дьләки пышт дайә пышта һәв, бона шәр'к'арийа бавәрийа Мьзгинийе сәкьни нә. ²⁸ Т'ө алийава жь пәйк'әтийед хwә вәнәк'ьшьн. Әв йәк избатийа өндабуна wан у хьлазбуна^ф wә йә у әв жи жь Хwәде йә. ²⁹ Әва к'әрәма Хwәде бона хатьре Мәсiһ дайә wә, wәки нә кө т'әне һун wi бавәр бькьн, ле бона wi щәфе жи бьк'ьшиньн. ³⁰ Ньһа жи һун нава wi шәр'ида нә, к'ижан кө wә сәр мьн дит у ньһа бона мьн дьбьһен.

Хwәньмьзкьрьна Мәсiһ у мәзьнайийа wi

2 ¹ Аwa һәгәр т'әвбуна wәйә т'әви Мәсiһ бина бәр wә йә, һәгәр һ'ьзкьрьна wi дьл дьдә бәр wә, һәгәр Р'öh'e^ф Пироз wә дькә йәк*, һәгәр дьлшәwати у р'ә'ма wә һәйә, ² әшқа дьле мьн бь т'ьфақа^ф хwә һун бьгьһиньнә сери:

* 2:1 Аһа жи те фәмкьрьне: «һәгәр Р'öh'e^ф Пироз wә т'әви хwә дькә йәк».

Бъра эw h'зкърьна нава wэда бэ у сэр нет у фькърэке бьн.
³ Тыштэки бь hэвр'к'ийе нэкьн у ль наве хwэ нэгэр'ьн, ле
 жь wэ hэр йэк бь мьлуктийе hэвале хwэ сэр хwэр'а бьгьрэ.
⁴ Т'эне ль к'ара хwэ нэгэр'ьн, ле бьра hэр кэс ль к'ара
 hэвале хwэ жи бьгэр'э. ⁵ МэснИ Иса сэр чь нет-фькьре бу,
 жь wэ hэр кэс жи öса бьфькьрэ:

⁶ Эw кө бьнийат'а хwэда Хwэде бу,
 пэй we йэке нэк'эт, кө бьма wэкэ Хwэде,

⁷ ле хwэха хwэ шкенанд,
 к'этэ бьнийат'а хöламэки
 у бу мина мэрьва^ф,
 к'этэ дьлге инсен.

⁸ Эwi хwэ ньмьз кьр,
 h'эта мьрьнер'а жи қайл бу,
 эw жи мьрьна сэр хаче^ф.

⁹ Бона ве йэке Хwэде эw he бьльнд кьр
 у навэки öса п'ешк'еши^ф wi кьр,
 кө жь h'эму нава бьльндтьр э,

¹⁰ wэки hэр чок ль бэр наве Иса бьтэwэ,
 hэгэр ль э'змен бэ,
 hэгэр сэр дьне бэ,
 hэгэр ль дийаре^ф мьрийа бэ

¹¹ у hэр зар-зьман иқрар^ф кэ,
 кө Иса МэснИ Хöдан э,
 бона р'умэта Бав Хwэде.

Дьнийайеда мина стэйрка бьч'ьрусьн

¹² Аwa дэлалийед мьнно, чава эз нава wэда бум хун
 т'ьме гöндар бун, ньна he гэлэки гöндар бьн, гава нэ нава
 wэда мэ. Бона хьлазбуна хwэ бь хоф у тьрс бьхэбьтн, кө
 we йэке бьгьһиньнэ сери, ¹³ чьмки Хwэде хwэха ве йэке

дыкэ дьле wэ, кӧ хун дьхвазьн у дыкьн, чава ль wi хвэш те.

¹⁴ Нэр тышти бе бинтэнги у бе шэр' у дэ'w бькьн, ¹⁵ wэки хун нава ви ньсьле^ф нэһэқ у хальфида^ф белэк'э у беқӧсур, зар'ед Хвэдейэ бесуц бьн. Нава ванда шэwқ бьдьн мина р'онайед э'змана, ¹⁶ чава йед хэбэра жийине һьлгьрти. Эзе һынге Р'ожа хатьна Мэсиһ р'успи бьм, кӧ бадихэwa^ф нэбэзимэ у бадихэwa нэхэбьтимэ. ¹⁷ Бэле һэгэр ши бе кӧ хуна мьн сэр we бавэрийа wэда бе р'етьне, йа кӧ хьзмэтк'арийа wэда чава қӧрбан^ф Хвэдер'а те дайине, эзе ша бьм у т'эви эшқа wэ бьм. ¹⁸ Ӗса жи хун ша бьн, т'эви эшқа мьн бьн.

Тимот'ейо у Епафродито

¹⁹ Гӧмана мьн сэр Иса Хӧдан һэйэ, кӧ эзе зутьрэке Тимот'ейо сэр wэда бышиньм, кӧ дьле мьн р'һ'эт бэ, гава эз һ'але wэ пе бьһ'эсьм. ²⁰ Эз дьле хвэр'а йэки мина wi набиньм, кӧ бона һ'але wэ мина пешэwьтики хэм бьхwэ. ²¹ Чьмки йед майин һэр кэс ль пэй к'ара хwэ к'этийэ, нэ кӧ йа Иса Мэсиһ. ²² Ле хун хwэха заньн кӧ эw йэки чавайи щер'ьбанди^ф йэ у хwэха т'эви мьн Мьзгинидайинер'а ӧса хьзмэти кьр, чава кӧр' бавер'а. ²³ Аwa нета мьн һэйэ, кӧ эз эwi зу бышиньмэ щэм wэ, гава эз һаш жь һ'ал-һ'эwале хwэ һэбьм. ²⁴ У эз Хӧданда гӧман ьм, кӧ эзе хwэха жи зутьрэке сэр wэда бем.

²⁵ Ле мьн ӧса р'е тер'а дит, wэки эз wi бьрайе мэ Епафродито бышиньмэ щэм wэ, йе кӧ т'эви мьн хэбьти у шэр'е хwэ кьр, к'ижан wэ шандьбу кӧ к'омэк бьда мьн. ²⁶ Эwi жи гэлэки бира wэ кьрийэ у бэр хwэ дык'эwэ, wэки wэ бона нэхwэшийа wi бьһистийэ. ²⁷ Р'асти жи эw нэхwэш к'эт, чу бэр дэре мьрьне. Ле Хwэде ль wi һатэ

р'э'ме, нэ кӧ т'эне ль ви, ле ӧса жи ль мьн, вэки сэр к'эдэре к'эдэр сэр мьнда нэйе. ²⁸ Бона ве йэке эз ви бь дьл дьшиньм, вэки хун ви бьбиньн, диса ша бьн у эз бэр хвэ нэк'эвьм. ²⁹ Ава бона хатьре наве Хӧдан эви бь т'эмабийа эшқа дьле хвэ қэбул кьн. Қэдьре йед мина ви гьран бьгьрын, ³⁰ чьмки эв бона шьхӧле Мэсйһ һ'эта бэр дэре мьрьне жи чу у дэсте хвэ жь э'мьре хвэ жи к'ьшанд, вэки дэвса ве хьзмэтк'арийа кӧ вэйе мьнр'а бькьра эви хвэха бькьра.

Р'ийа р'астэ бона хьлазбуне

З¹ һэйнэсэр хушк-бьрайед мьн, бь Хӧдан ша бьн! Эз ащьз набьм кӧ диса ван тышта вэр'а дьньвисьм, ле эв бона бехофийа вэ йэ. ² һ'эвза хвэ жь «сэ-куч'ька» бькьн, һ'эвза хвэ жь п'алед хьраб бькьн, һ'эвза хвэ жь ван бькьн, йед кӧ қальб дьбьр'ьн, сьнэт^ф дькьн. ³ Чьмки сьнэтийа р'аст йа мэ йэ, кӧ бь Р'ӧһ'е Хвэде эм дьһ'эбиньн* у бь Мэсйһ Иса дьфьр'ьн. Гӧмана мэ нэ сэр нав-нишанед қальб э, ⁴ ле р'аст бежьм эз дькарьм гӧмана хвэ бьдьмэ сэр ван нав-нишанед қальб. һэгэр йэк дьфькьрэ, кӧ гӧмана ви сэр қальб һэйэ, йа мьн һе зедэ һэйэ. ⁵ Р'ожа һ'эйшта сьнэт бумэ, жь р'ьк'ьнйата Израел^ф ьм, жь қэбила Бьнйамин^ф, ибрани^ф мэ у кӧр'е ибранийа, алийе Қанунеда ферьси^ф, ⁶ мьн к'эрби хирэте щьвина Хвэде дьзеранд, һьндава р'астийа Қанунеда жи белэк'э бум. ⁷ Ле чь кӧ к'ара мьн бу, мьн бона Мэсйһ зийан һ'эсаб кьрийэ. ⁸ У сэрда жи эз һэр тышти зийан һ'эсаб дькьм у һьмбэри ве йэке накьм, кӧ Хӧдане хвэ

* 3:3 Нав дэстньвисаред һьнэкада аһа йэ: «Эм Хвэде бь Р'ӧһ' дьһ'эбиньн».

Мәсiһ Иса нас бькьм, кӧ к'ара сэр к'ара йә! Бона хатьре ви эз жь һәр тышти қәтийам у чава гэмар һ'эсаб дькьм, вәки Мәсiһ қазьнщ кьм ⁹ у т'эви ви бьбьмә йәк. Иди әв р'астийа^ф мьн, нә кӧ жь қанунқәдандьна мьн те, ле жь Хвәде йә, йа кӧ һ'име ве жь бауәрийа сэр Мәсiһ ә. ¹⁰ Эз дьхвазьм ви у қәватата р'абуна вийә жь мьрьне нас кьм у т'эви щәфайед ви бьм, бьк'эвьмә һ'але мьрьна ви, ¹¹ кӧ бь авайики бькарьбьм бьгьнижьмә р'абуна мьрийа.

Р'эвина бәрбь мәрәме хвә

¹² Эз набежьм кӧ эз иди гьһиштьмә мәрәме хвә йан жи иди к'амьл бумә, ле эз пәй к'этьмә, кӧ ве хәлате қазьнщ кьм, бона к'ижане Мәсiһ Иса эз қазьнщ кьрьмә. ¹³ Хушк-бьрано, эз хвә һ'эсаб накьм, кӧ мьн әв йәк қазьнщ кьрийә, ле сәри әв ә, кӧ эз тыштед пышт хвәва һьшти бир бькьм, хвә бавежьмә йед пешийа хвә, ¹⁴ дьщә'диньм бьгьнижьмә мәрәме хвә, ве ләщхәлатата жорчуйине, ава готи газийа Хвәдейә бь сайа Мәсiһ Иса бьстиньм.

¹⁵ Ава жь мә һ'әмуйа, иди к'и «гьһишти» йә, гәрәке аһа бьфькьрә. Ле һәгәр тыштәки дьн жи дьле вәда һәбә, әве йәке жи Хвәде ве бәр вә вәкә. ¹⁶ Ле т'әне әм гьһиштьнә чь дәрәще, анәгори ве йәке бьжин.

¹⁷ Ч'ә'в бьдьнә мьн хушк-бьрано у дина хвә бьдьнә ван, йед кӧ өса хвә хвәй дькьн, чава кӧ мә бь р'абун-р'уныштьна хвә нишани вә кьрийә. ¹⁸ Чьмки гәләк жийина хвәда дьжьмьнед хаче Мәсiһ ьн, бона к'ижана мьн гәләк щара вәр'а готийә, ньһа жи бь гьри дьбежьм. ¹⁹ Ахьрийа ван ондабун ә, хвәдейе ван зьке ван ә у кьред ванә шәрми жи р'умәта ван ә. Әвана т'әне сәр тыштед ве дьне дьфькьрьн. ²⁰ Ле вәлате мә ль ә'змана йә, жь к'ө әм ч'ә'вньһер'ийа Хьлазкьр^ф, Хӧдан Иса Мәсiһ ьн.

²¹ Эве қальбе мэйэ т'энгэзар быгөһезэ у бькэ мина қальбе хвэйи хвэйир'умэт, бь we қəwата кö дькарэ һэр тышти бькэ бьндэсте хвэ.

Т'эмийед ахьрийе

4 ¹ Ньһа хушк-бьрайед мьнэ ширьн у һ'эйран, һун ьн шабун у к'офия^ф сэре мьн дэлално, йэктияа Хөданда аһа қəwin бьминьн.

² Эз һиви жь Әйодийае дькьм у һиви жь Сьнтихайе дькьм, чава т'эви Хөдан йэкбуи бьра ль һэв бен.

³ Бэле эз һиви жь тэ жи дькьм һэвалбарэ мьни амын, тö жи али ван к'өльфэта^ф бькэ. Эвана т'эви мьн хэбата Мьзгинидаинеда худан р'етьнэ, өса жи т'эви Клемес у һэвал-хэбатед мьнэ майин, кö навед к'ижана к'ьтеба жийинеда ньвисар ьн.

⁴ Т'ьме пе Хөдан ша бьн, диса дьбежьм т'ьме ша бьн!

⁵ Бьра бэрбьһерийа вэ һ'эму мэрьвава ә'йан бэ. Хөдан незик ә*. ⁶ Бона т'ö тышти хэм нэкьн, ле хвэстьна вэ бьра бь дөа-дьрозга, р'азибунева т'эвайи, Хвэдева ә'йан бэ. ⁷ У әд'ьлайийа Хвэде кö жь һэр һ'ьш-ақьли дэрбазтьр ә, we дьл у фькьред вэ йэктияа Мэсиһ Исада хвэй кэ.

⁸ һэйнэсэр хушк-бьрано, чь кö бь р'астийе йэ, чь кö бь мадултийе йэ, чь кö бь һэқийе йэ, чь кö бь һ'элалийе йэ, чь кö бь хвэшийе йэ, чь кö бь фьрасэтийе йэ у һэр тыштед кö ә'сьли у лайиқи қэнщготьне нэ, сэр ван тышта бьфькьрьн. ⁹ һун жь мьн чь һин бун, вэ чь станд, чь бьһист у чь дит we йэке бькьн у Хвэдейе әд'ьлайийе we т'эви вэ бэ.

* 4:5 «Хөдан незик ә» бь дө щур'а те фэ'мкьрьне: «һатьна Хөдан незик ә» йан жи: «Хөдан незики мә йэ».

Р'азибуна Павлос

¹⁰ Эз бь сайа Хөдан гэлэки ша мэ, кө вэ пэй һақас вэхтр'а эз бир аним, бона мьн хэм хвар. Бэле вэ дькьр жи, ле мәщал нэдьк'этэ вэ. ¹¹ Нэ кө эз һ'эвще тыштэки мэ кө ве йэке вэр'а дьбежьм. Эз һин бумэ, кө һ'эму һ'алида р'азии бьм. ¹² Т'өнэбуне заньм, һэбуне заньм, эз һэр алийида у һэр һ'алида сэр ве сөр'е вэбумэ у һин бумэ кө р'азии бьм, һэгэр т'ер бьм, һэгэр бьр'чи, йан һэбунеда бьм йан жи т'өнэбунеда. ¹³ Эз һэр тышти бь сайа ви дькарьм, йе кө қэвате дьдэ мьн.

¹⁴ Ле вэ қәнщ кьр, кө тэнгасийа мьнда к'омэк да мьн. ¹⁵ У бэле һун жи заньн гэли филипийа, кө жь сэре даннасинийа Мьзгинийеда гава эз жь Мэкэдонийае дэрк'этым, т'ө щьвине т'эвк'арийеда дәсте хвэ дьрежи мьн нэкьр, пештьри вэ. ¹⁶ Чьмки щарэке-дөда эв тыштед мьнр'а керһати вэ һ'эта Т'есалоникийе жи шандьн. ¹⁷ Эз нэ кө тыштэки п'ешк'еш дьхвазьм, ле дьхвазьм кө к'ар сэр һ'эсабе вэда зедэ бэ. ¹⁸ Мьн һэр тышт стандийэ у нава һэбунеда мэ. Эв тыштед кө вэ бь дәсте Епафродито мьнр'а шандьнэ эв бэси мьн ьн. Эв дайина вэ бинэкэ хвэш э, һ'эдийа^ф қэбул у ль Хвэде хвэш э. ¹⁹ У Хвэдейе мьн ве һ'эму кемасийед вэ пе ве хьзна хвэйэ р'умэтэ жь Мэсир Иса т'ьжи кэ. ²⁰ Ава шькьр жь Хвэде у Баве мэ, һ'эта-һ'этайе! Амин^ф.

Сьлавед ахьрийе

²¹ Т'эмамия щьмэ'та Хвэдейэ п'ара Мэсир Иса сьлав кьн. Эв бьрайед кө т'эви мьн ьн ль вэ сьлав дькьн. ²² Т'эмамия щьмэ'та Хвэде ль вэ сьлав дькэ, илаһи эвед кө жь мала Қэйсэр^ф ьн.

ФИЛИПИ 4:23

²³ К'эрэма Хөдан Иса Мэсиг т'эви р'өһ'e wэ бэ.*

* 4:23 Нав дэстньвисаред һьнэкада аһа йэ: «К'эрэма Хөдане мэ Иса Мэсиг т'эви wэ һ'эмуйа бэ. Амин».